



kat.komp.

14146

III

Mag. St. Dr.

P

nisdans

*Papietek for Greg: Lapis super ostium mo-
numenti vespere Sabbati sancti revolutus*

BIBLIOTHECA MUSEI HISTORICO-
POLITICI PRAGAE

Polon. Pol.

№ 190

L A P I S
super ostium monumenti,

Vespere Sabbathi Sancti

R E V O L V T V S,

dum ab omni mortalitatis opere quievit æternè
Perillustris olim Clarissimus & Admodum Reverendus Dominus,

D. M. STANISLAUS
DASZCZYNSKI,

Sacræ Theologiæ DOCTOR & PRO-
FESSOR, Ecclesiarum Collegiatarum; S.
FLORIANI ad Cracoviam PRÆPO-
SITUS, Vislicienfis DECANUS,

Vir in Ecclesia & Academicis Statibus emeritus:

dumq; Sepulchralia Ejus
publicò ritu

in Ecclesia Collegiata S. FLORIANI ad Cracoviam
celebrarentur,

17146 m

A

M. JOSEPHO GREGORIO POPIOLEK,
Philosophiæ Doctore, Matheseos Professore, Collega Minore, Ec-
clesiarum; Collegiatae in Summo Posnaniensi B. M. V. CA-
NONICO, S. ADALBERTI in Circulo Cracov: PRÆ-
POSITO, Strzałkoviano Iuratoq; Geometra,

ad perpetuam tanti Viri memoriam
panegyricâ pennâ

I N S C R I P T V S.

Annò Domini 1730. Die 15. Aprilis.

CRACOVIAE Typis UNIVERSITATIS.

X. XXII. 10.

L A P I S

super ostium monumenti

Vespere Sabbathi

R E V O L V T V S.

Olympia vitæ hominum,

certum est non ex solis corymbis necere coronas.

Amant inter laurus cupressô redimiri,

inter lectos triumphos in supplicium duci;

atque Palmaribûs celebrata stadia

palmô sive pugillô terminare.

Inter festivos ignes pyra nascitur,

& quos suus ardor illustrat Alcidas,

extingvit favilla.

Quis Dædalus ad speciosa opera non cercus?

Qui soles cum aureo jubare sinè deliquio?

cujus Dvillij funalia sinè umbris?

Nempe:

si ubique felicior haberetur Arabia,

si phænices prodiremus cuncti;

ferale ita non evitaremus bustum;

quin è mortalitatis cinerib9 evolarem9 ad Superos.

Antæos terra parturiat,

ad repetitos casus erigat robustiores;

non fovebit perennes.

Cla-

Clava mortis gravissima;
in quo ictu exitia decernit; in eodem congestas vires confundit

Fatorum appetitus crudelis,
vermis est ad hæderam,

tinea ad purpuras,
securis ad arborem vitæ posita.

In una gemma fortunam Regnorū epotare ejus est,
in surrepto Palladio securitate privare.

Hinc est

quòd animorum uniones expilat
thesaurum Virorum diripit:

ad æternè dissolvendos pretiosiores adamantes,
non sanguinem hircorum, sed pulverem mortalitatis exquirat.

Operosi Nominum labores,
non sine fatorum conatu cernuntur.

Inter numerosa amphitheatra gloriæ,
mortis cathadromus præstò:

ita;

ut non satis Emilianis uno die Patris spectare triumphum;
sed necesse duorum Fratrum funera.

Non satis Sajanis in Imperium provehi;
sed eodem die in frustra dissecari.

Id tamen mærore plenum habetur:

quòd inimicum hominibus fatum,
inter pharmaca Orbis absynthia condatur.

Et quos ferre inter decora optamus;
eos ferire festinat:

A2

edo-

edoctum penitus;
nullum caucasū ad hebetandam ferrei livoris aciē,
plurimas cotes ad acuendam inveniri.

Id singulare;
quòd corda viventium pro amore, amore condat;
dum adempta solatia quærentes,
in naufragas oculorum pupillas, navigia lachrymarum protrudit.
Quasi cum urna brevi mēs querula fluctuare debeat,
in Regionem longinquam aberrare.

Mori inevitabile
calentes seculorum animas trahit sub frigida marmora;
velut spiritū earum animatis laxis
cum æternitate loqui potius conveniat;
& viventium odisse consortia.

Hoc fine visum est
lapidem Tibi revolvisse super ostium monumenti;
dum Vespere Sabbathi Sancti,
quietē ab omni mortalitatis opere indixit,
Tuis pijs manibus

Perillustris olim Clarissime & Admodum Reverende Domine

**D.M. STANISLAE
DASZCZYNSKI,**

Sacrae Theologiae Doctor & Professor,
Ecclesiarum Collegiatarum; S. FLORI-
ANI ad Cracoviam PRÆPOSITE,
Visliciensis DECANE,

Vir probitate ac Majestate eruditionis
omni



omni ævô venerande!

Eminsa Tui laborum stadia,
ingens fuerant semper Appia ad Coronâ.
Quod laureis decorata, ad præses cupressis squalleat;
æmula votis mortalium fecit dissolutio.

Eripuit Te amorì viventium, qui singulorum corda merebaris.

Imò ab eis comprehendit nequies,
super tenerrima Tui còrtina ferebaris,
pretiosum animorù conchylî, erythræû affectuû.
In cursu dierum Tui suavissimo, lapis sepulchralis,
lapis offensionis exitit:

ad quem conjunctarum felicitas mentium allisa,
unâ Tecum rigescere deberet;
ni à gloria cum lenimento proviso foveretur.

Quantum Luminare Orbi fulseris,
hesperus Tui occasûs illustrat.

Nimirum

Sabbathum Sanctû, vel diei obitûs Tui consecratû,
vel saltem consecrandum instillat.

Certè religione non vanâ.

Tuarum enim virtutum solemnitas primæ classis est;
quæ thymiama pectoris semper celeberrimo ritu adolebat,

Supremo Numini.

Candorem vitæ innocentia præfigurat:
& quia stolam albam pro amictu gestiens,
AGNVM comitata Paschalem;
vel in monumento Resurgentis Domini,
inter Angelos sedentes computari festinans.

Die septima quievisti à mortalitatis opere;

B

cum

cùm plurima immortalia in tota penitus vita fabricaveris:
unde non totus mortuus,
sub vexillum Triumphantis Domini
etiam de fato triumphare properasti.
Saturni dies, vel potissimum inde feralis Tibi;
quòd Te in Regionem vivorum transtulerit,
Verum, Virtutum Cultorem,
eruditione ac pietate æquè ornatum PROFESSOREM.
Gemmeum par hoc in Te reluxit,
velut in Pyrrhi annulo prodigiosus unio.
Hoc Tibi ingens æstimatio fuit,
unde pretia animorum superares.

Præsertim,

cùm pietas se solâ cæterarum altrix virtutum,
Superûm alumna dicatur,
quid eruditionis comitatû insignis?
Accervum gloriæ Tuæ prætulit primò MANIPULUS,
quem in victimam dedicasti,
Doctorem olim ascendenti Sphæram,
Literatorum Luminari

WINKLER O.

jecisti amplissima laborum semina,
unde ingenij, præstantissimi prominerent partus,
bajulandi Nominis Atlantum suppare.

optimè illi eminebant
ad meridiem Laureati Honoris,
quem CZYZYCŹKIEVIJ, ARTENSCIJ,
PRACZLEVIJ,

in

in Culmine Doctorali accendère;
Tu oratoriô instrumento observâsti.

Profluvio plenæ facundiæ opplêsti paginarum margines,
quô ad posteros probitatis Majorum deduxisses cymmelia

Solus in eadem Navi videndus.

Inter has interim gloriæ aristas præstò aderât animorû confluxus,
petijt plurimorum studium ope Tua satiari.

Et modestiâ victus
vincere vota petentium cùm nitereris,
censebas Te in mancipium abire,
dum Dux animorum elegereris.

Hinc inter alios Illustrissima PONIATOVSCIORVM indoles
aciem sui Tibi regendam commisit.

Et tantum Te Hirone profecit;
ut à ludo literario ad hastiludia; à Palladis penna, ad Martis calamos;
à Scholasticis ad pyrios pulveres
creverit intrepida.

Et quam ad exoticos probâsti Soles,
eam nunc fulmina Aquilæ Polonæ ministrantem experitur Orbis
in Supremo Militiarum Regni Præfecto
PONIATOVSCIO.

Idem fructus gloriæ in Culmensẽ Te deduxit Coloniam;
certè vel maximè culturâ scientiarum celeberrimam,

Te ibi DIRECTORE.

Vidit Prussia Gentis Togatæ nobilitatem per Te provectam,
Trutinavit, quantorum Cracius Academicus ferax Virorum;
ex præmissis excellentiæ multum de dignitate Tui concludendo;

Quam publicârunt peramplius
Illustrissimorû JORDANORVM TUBÆ.

utpòte gloriâ Atavorum per Orbem vocalissimæ
modulamen sui optimum à Te expertæ;
Majestatem Sarmatici Soli dum ebuccinant;
spiritum oris Tui provehunt;
ut iis post fata vivas superstes.

Elegit deinde virtutum amor,
altioribûs per Te crescere incrementis,
& cùm passus meditaretur, decempedas invenit:

Tui alacritate præcurrente
ad plantandam doctrinæ vineam,
animorum hortum erigendum,
Coloniam scilicet Pinczoviensem.

Vbi

illius Gymnasij Protoplasta

Illustrissimus olim & Excellentissimus Dominus,

D. JOSEPHUS

GONZAGA MARCHIO in Mirow

MYSZKOWSKI,

Castellanus Sandomiriensis,

dum Te primum Directorem suscepit:

illicò non magis Tibi tyrocinantium colla,
quàm sui subjecit animum;

Ut nimirum ductu Tuo regeretur
atq; locum illum protegendo, Tibi obtemperaret,
& obtemperando, Te cum Philomusis protegeret.

Et non defuit animus tanto suppar muneri.

Etenim

primus

primus Cathedræ Tuæ Suggestus METATIO CASTRORUM fuit;
cuncta proinde armorum sive animorum dispositio,
omnium corda expugnare,

DEO & hominibus placere.

Et sinè fastu;

nam hunc à teneris adhuc è Tuo imperio rationis proscripsisti;
obsequentissimus humilitatis eultor.

Scholam Platoniam qui scire voluit;
eam ex Tui aspectu mirari & imitari satis habuit;
unde comitas, verecundia, candor primam tenuere dictaturam,

Sanctimoniâ præcepta vitæ præscribente.

Dignum prodigio!

quomodò tribus ferè lustris

avidis Te noscendi illius Civitatis incolis
famam nominis Tui pro persona communicabas;
conversationem vel in cælos dirigens;
vel DEO dicatis Viris devovens:

edoctus;

Soles in apricum prodeuntes, luce sua per lutosa volutare loca
nocivos attrahere humores, aduri maculis.

Contractum hâc methodò domicilium

linquere Tibi molestius fuerat;

quàm dum ad illud operarius vocareris.

Ascensus quosvis, ad honores; descensus ab humilitatis regula iudicando;
nolle honorari cum posses honorem maximum elegisti.

Ast non favit fortuna votis.

Etenim pro reditu Tuo ad Quirites institit plurimum

Magnus olim in Orbe Literario Tullius & Alcides

Doctorum Decus

PROFECCIVS,

qui Te ad inclytam DOMUS MAJORIS, coronam,
gemma perutilem videns;
ei inseri flagitavit, effecit.

Vnde precibus licet Mecænatis Tui stringebaris & affectu;
fortiora unitæ Patrum virtutis vincula sentiens,

C

cor-

corde sympatico tractus sedem Majorum conscendisti,
Eorum corculum & anima.

COLLEGA MAJOR nil in Te magni videbas:
memor Academicæ vitæ,
solitudinem pro umbrosis Academi lucis adamasti.
Probitatis lucernas

sub modio modestiæ ac pietatis conservare nitebaris,
& tamen iis ipsis Clarissimus, Perillustis incedebas.

*Aurum utique visceribus terræ nequit concoqui:
nec Achilles inter ementitos vestitus latitare potest.*

Jam Te Theologorum complectebatur Cathedræ,
Doctorales adornabant Coronæ:
& adhuc Tibi Ipsi videbaris discipulus;
Magistrô Timore Domini

in Schola pietatis, continua exercitia componendo.
Noluisti Augem Literatorû Supremâ conscendere,
nisi tribus Superioribus conjunctus:
inter Eorum virtutes, Tuas depositurus
particularis eminentiæ inimicus.

Præiverat Tibi in Doctoralem suggestum

Perillustis olim Clarissimus & Admodum Reverendus Dominus

M. PETRVS LVZENSKI,

Sacræ Theologiæ Doctor & Professor, Ecclesiarum Collegiatarum;
S. ANNÆ Præpositus, S. GEORGII Cracov: Custos,

Parochialis in Siepraw Curatus,

& ad viam immortalitatis præivit.

Utinam saltem in relicto Ternione Doctorum
impensa felicitas conservata fuisset!

Sed quoniam fata fatua Te eandem viam terere cœgerunt;

ô Superi!

ferte propitiati auxilia,

ne ex tantis præmissis feralis amplius sæviat consequentia!

Fovete ea Columina;

quæ hæcenus in sustentacula Orbi Literario posuistis firmissima.

Ferte

Ferte liberales benignitate manus,
ad præstanda perennitatis subsidia,
Magnifico, Perillustri & Reverendissimo Domino,

D.M. MARTINO WALESZYNSKI,

Sacrae Theologiae DOCTORI & PROFESSORI, Collegæ
Majori, Ecclesiarum; Cathedralis Cracoviensis CANONICO,
Parochialium; Montis S. Georgij in Scepusio & Premykovi-
ensis PRÆPOSITO, Librorum per Dioecesim Cracoviensem
Ordinario Censori, Canonizationis B. IOANNIS CAN-
TII Procuratori, Contubernij Hierosolymitani Provi-
sori, Studij Generalis Almæ Vniversitatis Cracov:
PROCANCELLARIO, ac Vigilantissimo
R E C T O R I.

Effundite favorum vestri cornucopias
super

Perillustrem Clarissimum & Admodum Reverendum Dominum

D.M. MARTINVM KUROWSKI,

Sacrae Th: DOCTOREM & PROFESSOREM, Colle-
gani Majorem, Ecclesiarum Collegiatarum; S. FLORIANI ad
Crac: DECANVM, Posnan: CANCELLARIVM, Vielicensẽm
PRÆPOSITVM, Contubernij Staringeliani Provisorem.
Conservate utrumq; MARTINVM, utrumq; DOCTOREM,
eâ clementiâ; quâ immortalitatem foveatis:
eâ firmitate; quâ vel perennes Orbi credatis,
vel saltem eis Platonica sæcula revolvatis.

Absit ab urna coæquatio;

quamvis in Cathedra unus omnibus gradus, una corona fuere.

Satis nobis ad puncturam cordium;

in Aprili, primò spinas doloris in terra nostra apparuisse.

Satis ad querelas;
ad Cæli plenilunium, Luminare nostrum decreville,
eò funestius;
quò certius; sine spe luminis!
Violavit fatum Silentia Academica sonitu campanarum,
pectora mærore pulsavit.
Profanavit Sabbathum;
dum atroci falce Doctorale Caput demessum est;
fatìs temerè;

quia præcociter primo vere tantam sibi messem procuravit.

Immanî ictû

fontes doloris in Campo Literario excavatos potamus.

Ad exilium Magni ab Orbe Viri
ponti Euxini lachrymarum accolæ
Tristium libros conscribimus.

Sufficit jam nobis flebili pupillâ
ad funera DASZCZYNII DOCTORIS educi!

Cujus præstantiam, gravitatem,
non pennæ leviori, sed immortalitati prædicare convenit.

Cùm vita Illius (ut paucis edisseram)

Seminarium virtutum fuerit,
alumnatus affectuum, Literatorum Decus, norma sapientiæ:

Singulorum exemplar.

Pius, prudens, humilis, pudicus, sine labe vitam sobriam ducens;

STANISLAUS non Martyr; sed probitate Pontifex

inter Confessores numerandus.

Parcite ò pijsimi DOCTORIS Manes,
eòusq; fragilem provolâsse pennam.

Vobis enim tantum quies cum alto conticinio indicta,
pietati & candori Academico nunquam imponetur silentium,

quia

quin ad revolutum Vobis Lapidem exardescant clariùs
per scintillas affectuum.

Ad vestigia in pulvere mortalitatis relictà
gradationes Oratorias conspiciere necessum.

Præsertim, cùm nulla tumba præstantes in Orbe Viros,
tàm conclusit,

quin saltem fimbriam præstantiæ eorum relinqueret.

Plures adhuc pressura cordis continet Vobis devotos characteres;

quàm sepia in paginam effundit:

Sicut in Te spectamus

Perillustri Clarissime & Admodum Reverende Domine

**D. M. STANISLAE
MARKIEWICZ,**

Sacrae Theologiae DOCTOR & PROFESSOR, Collega Ma-
jor, Ecclesiarum Collegiatarum; S. FLORIANI ad Crac:
CANONICE, Kureloviensis SCHOLASTICE, SS. OO.
Crac: & Prossovicensis PRÆPOSITE, Scholarum Novodvor-
scianarum & Contubernij Geloniani PROVISOR,

Pater Emerite!

Affectibus Vestris Nomina convenere,
dum corda vobis mutuò donâstis
animos dedicâstis.

Hinc quanta Tibi cum superstite fuerunt solatia;
tanta ex dissolutione, dolorum torcularia;

Quos & Tu non postremè participas.

Perillustri Clarissime & Admodum Reverende Domine

**D. M. PETRE
SZYMAKOWSKI,**

Sacrae Theologiae PROFESSOR, Collega Major, Ecclesiae
Colleg

Collegiatæ S. FLORIANI ad Crac: CANONICE, Schol-
larum Novodvorscianarum VICE-PROVISOR.

Vobis nempe, dum ultimam voluntatem commisit,
magnam portionem animæ reliquit;

ita superstes in affectibus Vestrum permanens.

Non filebit inter Cælitum agmina, Vestra obsequia.

Imò dum lapidem nuper sibi revolutum; monumento suo imponi videt

Vobis momenta longævæ vitæ apprecatur secunda.

Dum solitudine Vestrum ossa sua honorificè sepelit,

Vobis æternos honores devovet.

Non denegat Paternum & Tibi affectum
qui Patruus in vita extitit

Excellentissime ac Doctissime

**D. M. S T A N I S L A E
K O R C Z Y N S K I,**

Philosophiæ DOCTOR Scholæ S. FLORIANI Senior,
PROFESSOR Æstimande.

Fatorum injuria est

quod Tibi mortuus nunc spongiam lachrymarum obijciat,
cùm vivus cor offerret.

Cunctis Ille Septuagenariâ quamvis ætate pressus
mansverum, mitem & benevolum sese præbuit:

à cunctis post fata singulares meretur affectus.

Vnde meritò preces Cælitum Aris inserimus,

Lapidi super monumentum Ejus inscribimus:

ut Sabbatho Sancto à nobis segregatus,

Accubitum ad Nuptias Agni immaculati,

portionem Gloriæ in Terra viventium,

quantocyus teneat.





